



DEDICATIO

ILLUSTRISSIMIS DOMINO, ET DOMINABUS,

DOMINO

LEOPOLDO PHILIPPO

COMITI MONTECUCOLO,

TOPARCHÆ IN HOHENEGG, OSTERBURGH

Gleis & Handorff, Equiti Ordinis Sancti Jacobi,

SACRÆ CÆSAREÆ MAJESTATIS CAMERARIO,

ET EQUITUM LORICATORUM TRIBUNO;

DOMINÆ ALOYSIÆ ANNÆ

NATÆ COMITISSÆ MONTECUCOLÆ,

ILLUSTRISSIMI DOMINI DOMINI

FRANCISCI ANTONIJ WERCKA

SACRI ROMANI IMPERII COMITIS HOVORA,

DE DAUBE ET LEIPPA, HÆREDITARII IN RICHEN-

BURG, ROSTITZ, TATSCHITZ, GABEL, DELLNA,

NEMESLOWITZ ET SCHELSCHELITZ;

SACRÆ CÆSAREÆ MAJESTATIS CONSILIARII,

Camerarij & Majoris Judicij Provincialis in Bohemia

Affessoris Lectissimæ Conjugi;

DOMINÆ CARLOTTÆ POLYXENÆ

NATÆ COMITISSÆ MONTECUCOLÆ, &c.

ILLUSTRISSIMI DOMINI DOMINI

JOANNIS JACOBI KYSL,

COMITIS IN GOTSCHEE, REIFFNITZ ET

PÖLNA,

PÖLNA, BARONIS IN KALTENPRUN ET IGANOWITZ,
Domini in Ober-Marburg, Hainfeldt, & Fahrenbergh, Supremi Ma-
gistri Venationum Hæreditarij Carniolæ Marchiæque Schlavoni-
cæ, uti & Comitatus Gorizienfis Hæreditarij Pincernæ,

SACRÆ CÆSAREÆ MAJESTATIS CAMERARII,
& Interioris Austriæ Consiliarij Aulico-Bellici,
dilectissimæ Conjugi.

DOMINÆ ERNESTINÆ
NATÆ COMITISSÆ MONTECUCOLÆ,

Nuptæ quondam

ILLUSTRISSIMO DOMINO

MICHAELI COMITI

ET DOMINO IN WEISSENWOLFF,
BARONI IN SON-ET-ENSECK,

SACRÆ CÆSAREÆ MAJESTATIS CAMERARIO,
& Superioris Austriæ Consiliario Provinciali; *p.m.*

Nunc

ILLUSTRISSIMI DOMINI DOMINI
FRANCISCI CHRISTOPHORI

KEVENHÜLLERI IN AICHELBERG,
Comitis in Franckenburg, Baronis in Landskrohn & Wern-
berg, Hæreditarij in Hohen Osterwitz & Carlsburg, Domini in Cam-
meren, Khogel, Mödling, Liechtstein, Untragh, & Weyreck, Su-
premi per Carinthiam Stabulo Præfecti
Hæreditarij,

SACRÆ CÆSAREÆ MAJESTATIS CAMERARII,
Et Supremi per Austriam ultra Onasum Venationum
Præfecti,

DESIDERATISSIMÆ SPONSÆ,

OMNIBUS

MAGNI RAYMUNDI

GENITORIS PIE DEFUNCTI PIGNORIBUS,

DOMINO ET DOMINABUS
MIHI GRATIOSIS.

Non



Non mirabimini, credo, Herois Germina, Doloris hoc papyraceum Castrum, quod fama Genitoris vestri sacravi, id vobis à me dedicari.

Eccujusnam enim magis intererat immarcescibili Patris vestri fama sic litari quàm vestrà? Castrum Doloris è ligno sibi fabricare, testamento vobis prohibuit exosa pompam Patris modestia, me abstinere non jussit hac charta illud adumbrare grata in me ejus memoria: Vobis Religioni est parentare pro voto, Saculi more, tantis Manibus contra vetitum Patris; mihi dedecori non acuerè styllum Laconicè in encomia Mœcenatis.

Suscipite ergo gratiosis vultibus hoc à me Castrum Doloris, quod Patri concinno in Templo Honoris: Patri ceu debita illi à me gratæ devotionis Tributum; Vobis autem piam reminiscentiæ paternæ materiam, quam legatis, non lugeatis: Neque enim lugendum censeo quidquam ejus in morte, cujus in vita invidenda sunt omnia: qui mortem honestavit vivens præclare factis, & moriens se nobis reliquit in vobis, gratiosæ Dominæ, & Fratres vestro. Qui magni Genitoris non impar germen, Patrem animo vultuque præfert, optimâ utriusque parte, uti opum, sic & Virtutum ex asse Heres. Te loquor, Illustrissime Comes Leopoldè Philippe: Cui si lugere pomposè est vetitum; frui tamen ex hac lectione

licebit virtutibus, quas fama in orbe, memoria tuo in corde quotidie renovet Tanti Genitoris, qui ab infimo Manipulariorum ordine, summos militiae gradus emensus, promeritus est esse Princeps.

Volve isthac Cordate Comes, & genitorem ubique invenies: Infantem imprimis Raymundum, Puerum, Adolescentem & Juvenem: Sed hac omni Viro communia. At puerum videre in schola, adolescentem in armis, Juvenem in Castris, Tribunum in Campis; Specialia sunt.

Primusque gradus, quorum duodenos est Pater emensus, ut per Virtutis Templum, eluctaretur ad Honoris Fanum: Vis reliquos? audi: sed compendio.

2. Raymundus Vigiliarum Præfectus Generalis. 3. Camerarius Cæsaris. 4. Mareschalli Locumtenens. 5. Equitatus Præfectus Generalis & Sponsus. 6. Campi Mareschallus & Pater. 7. Consiliarius Status. 8. Augusti Locumtenens. 9. Armamentariorum per omnia Cæsaris Regna Præfectus. 10. Aurei Velleris Eques. 11. Bellici Consilij Præses. 12. Raymundus Princeps. *Qui placent hi gradus? Belle inquis: & merito. Hos Magnus Genitor Tuus emensus est: cujus Mens magna, Eruditio elegans, gnava Fortitudo, Experientia sapiens, Posteris amulanda, antiquis invidenda vix parem habuere. Qui publico bono natus, publico vixit bono, annorum suorum molestiam tuæ tranquillitatis pretium faciens, suæque magnitudinis radios tibi transcribens, in quorum luce premas paterna vestigia.*

Et facis certè: dum enim quæ cum Patre participas, ut honorum stimulis, non alimentis superbiæ uteris, assurgis in spem paternæ laudis, prerogativa fultus non vulgari, dum
ultra

ultra vulgus, tuæ etiam sortis non vulgarium virorum, eventus, Clavim gestas in isthac ætate tua auream, & legioni præes paternæ, gratiâ Cæsaris Tribunus; ob merita Patris saltans compendio, quò Magnus Raymundus suo pte debuit Marte gradatim assurgere.

Sed macte animo Leopoldæ Philippe, macte ægis Nate feliciter, & quam de te spem jam tum concepit Cæsar & Orbis, hanc imple.

Mirabantur multi deturbari ex Orbe potuisse p: m: Patrem tuum, ceu Virum tanto virtutum & consiliorum pondere gravem, tot trophæis onustum: at ego non miror, qui virtutes suas, in te transfulerat, quæ togæ ac sago olim additurus es pondus, requiem desiderasse, mortale admittentem nihil, nisi quod mortuus sit. Hunc sequere, qui, dum virtutem sequebatur in excelsis sitam, non per viam omnibus ad illam grassatus est via. Factus privatis virtutibus clarus, Imperatoris fulgens, in rebus suscipiendis prudens, in exequendis dexter & felix, consilio promptus, ratione circumspectus, modesto vivendi splendore, experientiâ Orbis & rerum, Cæsarium denique & Regum gratiâ totus fulgor & sidus.

Nec tamen habebat hæc omnia Pater tuus, cum tuæ esset ætatis; scis enim fieri magnos, non nati. In prima ætate spirantem alta sanguinem dignis juvabat conatibus, capacissimamque indolem ijs artibus imbuebat, quas Aula in Nobilitate desiderat, Mars imperat, commendat Fama. Tu fac similiter & amplam virtutum sementem (ne dubita) honorum messis sequetur. Sic auguratur, qui de Te & Domo tua bene mereri cupit, Idem Tuus & Tuorum, qui fuit Magni Raymundi Genitoris Tui

Obsequiosus & Sincerus Servitor.

Joannes Petrus à Vælckeren.

LECTORI.



Mentiar, *Erudite Lector*, si tibi verbum hîc scribo non verum. Posterî nobis hanc felicitatem poterunt invidere, quòd nos habuerimus *Raymundum Montecucolorum Principem*. Immo accusabunt rerum Naturam, quòd *tantum virum* mortalem produxerit, *qualis* aut omnibus Sæculis nasci deberet, aut nunquam denasci. Denatus *Ille noster est Lintzij*, tumultus *Viennæ* apud *Patres Societatis*, ut *JESU* propior fieret *Suo Salvatori*, qui Reges & Regna salvavit. Humatus est in Sacello, quod istic fundavit, sciens nullum fundum fertiliorẽ esse eo, qui *DEO* sacratur. Pegma istic, aut Sæculi more Doloris Castrum, nec superba funeràlia vides: cavit Testamento, ne fierent, exosus posthumam honoris pompam, qui vivus erat honorum satur; *Hæres Filius* invitus omisit, quod invito *Patre* ut faceret, religioni duxit. Ego autem gratâ *tanti Viri* memoriâ, *cujus* mandatis octodecim annis obtemperavi viventis, præceptum non parentandi mihi quoque impositum esse haud credidi: quòd Testamento cavisset, in quo nihil esse meum scio, nisi quòd scripserim. Præter ergo Tabulas Testamenti gratitudinem testatam volui, formaviq̃ue Stylo meo *Heroi tanto* hoc Castrum Doloris, cui id prohibere ille non potuit: debitum namque gratitudinis meæ in *tantum Mæcenatem* obsequium non sivit me mei Juris tacere, *Hæredibus* ex præcepto tacentibus. Parento igitur *magnis Manibus* humili stylo; *Laconico* tamen: ut in re longa sim brevis, utens privilegio Styli, *cujus est multa paucis complecti*. Scribentur illa suis locis ad longum; ubi *Imperatoris Historia*, quam *ejus* jussu concinno, scribentem vocabit ad singula, quæ nunc compendio tantisper adumbro: Ut videas, *Erudite Lector*, magna *ejus Mæcenatis* *vivi* in me fuisse imperia, quæ me post mortem etiam urgent parentare non imperanti. Sed *hic bonarum mentium usus est*, cui semel obsequi assueverunt, *hujus augmentum famæ pro præcepto habent*. Nunc quando *functo fatis*, ut vides, parentavi, ut potui, *Ipsum* quidem clementiæ *DEI* commendo; Te autem, *Erudite Lector*, hoc oro, ut nunc facias *vivus* ea, quæ moriens in Sepulchro cupis legi. Vale.

CASTRUM DOLORIS ERIGIMUS MORTUO,

Qui vivus, ne fabricaretur,

Cavit Testamento.

Non fabricamus id malleo

In Templo Doloris;

Stylo adumbramus

In Templo Honoris.

Fabricare DOLORIS CASTRUM

Prohibuit ejus

Pompæ Parca modestia:

Stylo illud exprimere monuit me

Grata in me ejus memoria,

Lychnos accendo duodecim;

Ut totidem gradus

Lector aspiciat,

Quorum ab *imo*

Ad Summum Honoris apicem

RAYMUNDUS ascendit.

Sta ergò,

Si stare potes,

Qui

Nunquam non curris ad metam vitæ

Viator;

Sta inquam.

Et,

Sive Amor his Pagineis oculos affigit,

Sive Curiositas allicit,

Legendi opellam ne invide.

RAYMUNDUS HIC JACET,
MONTECUCOLORUM GLORIA:

*Cujus vita Historia est,
Omnibus Elogijs digna.*

Quia tamen nunc
Causam apud Mortis Tribunal amisit;

Te rogat ,

Ut pro se appelles

Apud *Triumphatorem Mortis,*

SUMMUM JUDICEM.

Jam totum legisti:

Abi Viator,

Immo verò redi;

Plura leges.

Lectus à Cœlo **RAYMUNDUS EST,**

Ut à MONTECUCOLIS nasceretur.

Quæris,

Qualenam hoc genus sit?

COMITUM IN DUCATU MUTINÆ,

ULTRA SEX SÆCULA CLARUM:

(Plura vix ausim scribere)

His ortus **RAYMUNDUS,**

Anno Sæculi hujus VIII

Natus Ad vitam est.

Natura jam tum

Destinaverat **ILLUM** ad Publica:

Hinc

Ut citiùs alijs viveret;

SIBI

Ne Ephœbus quidem vixit.

Nam

Cunas vix egressus,

Cùm

Cùm pueritiã literis transegisset,

In Germaniam missus est :

Ut istic adolesceret,

Ubi crevissent AGNATI,

MONTECUCOLI COMITES,

HIERONYMUS ATQUE ERNESTUS.

Quorum Alteri

COMMISSUS EST OLIM SANGUIS AUSTRIACUS,

Tyrolensium primo Statûs Ministro;

De Altero

Tormentariæ rei Magistro generali

Audi Hugonem Grotium, a

a *In Hist. Hol.*

Scriptorem illustrem.

„*Nunquam Res Ordinum*

„*Pejori loco sunt visa,*

„*Quàm*

„*Cùm Ernestus Montecucolus Bataviam premeret.*

Domesticis hisce Præceptoribus

Ut operam daret

RAYMUNDUS;

MISSUS AD HIERONYMUM ET ERNESTUM EST:

Eâ ætate,

Quâ Romanorum Lex

Legi statuit milites.

Ominantibus omnibus,

Aut Sæculi desiderium fore

RAYMUNDUM,

Si præcox deficeret;

Aut certum Decus,

Si

Si perduraret:

Eventus docuit.

Ætatis acerba,

Modestâ gravitate compensans,

Generosæ arboris indolem

Est imitatus:

Qua

Spatium mitescendi

Internâ virtute præoccupat.

Quid expectas Viator?

GENERALEM SUBITO VIDERE RAYMUNDUM?

Noli.

Neque enim tantis exordijs

Præparabatur **RAYMUNDUS** ad tanta,

Eluctaturus ad Maxima,

Profundioribus opus erat fundamentis,

Quibus tanta,

(Quam intelliges)

Honoris **RAYMUNDIANI** *machina superstrueretur.*

(Ut solent

Sublimiora in Cœlum Fastigia

Depressiori base fundari)

Manipularius miles **RAYMUNDUS** fit,

Omniaque sua,

(Id est arma)

Secum scapulis portat;

Subsîdere etiam visus sub onere:

(*Nam peditem tunc, non Equitem*

Instruebat ERNESTUS)

Quando ejusdem cum ipso Ordinis pedes,

Post

Post Decurio,
Corporal Hans vulgò dictus,
Cœtera Anonymus,
Arma **RAYMUNDI**,
(*Herois olim futuri*)
Detracta humeris,
Suis impacta scapulis,
Ipse portavit,
Vicariâ ope, prælagâ mente:
Indignum ratus,
Hunc Adolescentem armis premi,
Qui Vir factus,
Cæsareis olim armis datus Imperator,
Suppressurus sit **IMPERATORIS** *hostes.*

Vera scribo,
Nam vidi Ego
Prognosten hunc Bajulum,
Baculo innixum,
Sisti RAYMUNDO PRÆSIDI:
Et **ABS HOC**,
Veteris beneficij memore,
Auro donatum Abire,
Cum lacrymis gestorum testibus;
Quas, dum fudit, movit,
En, Lector,
Humilia humilis RAYMUNDI vestigia:
Unde
Tanta creverunt crescentis fastigia.
Humile fuit,
Inter Manipularios
B
Mani-

Manipulariorum forti committi;
Stare in excubijs ERNESTI NEPOTEM,

Qui

ERNESTO major erat futurus.

Quid iterum exspectas?

PRÆSIDEM subito venerari RAYMUNDUM?

Exspecta:

Neque enim hæc subito speres abs Eo,

Cui per gradus eundum est.

Non enim eò statim usque RAYMUNDUS profiliit,

Qui *Desultorius* factus est;

Desultoriorum Signifer ex Manipulario milite.

Inde

Cataphractorum ambiens disciplinam,

Locumtenentis munus obivit:

Ex Locumtenente creatus Centurio;

Vigiliarum etiam Præfecti munere

Functus pedes est:

Eo defunctus,

Equum repetijt,

Factus Locumtenens HANNIBALIS GONZAGÆ,

Quanti Viri?

Donec videretur

Frustra agere alienas vices,

Qui

Pro se IPSUS rem administrare novisset;

Præesse debere,

Qui subesse jam satis didicisset.

Et exinde

RAY-

RAYMUNDUS factus est
EQUITUM LORICATORUM TRIBUNUS.

Vide jam Lector,
Per quantilla initia
Præpararetur RAYMUNDUS ad tanta?

Credo;
Vt haberet olim Militia Advocatum
Tentatum per omnia:

Nam,
„*Qui tentatus non est, quid scit?*
Certè tentabatur RAYMUNDUS;

Qui
Dura dura exordiebatur à teneris:

Nisi fortè durum haud sit,

Procul à Patriæ finibus,

E matris sinu apud exteros

Manipularium more,

Arma humeris gestare,

Stare in excubijs,

MONTECUCOLUM esse,

ERNESTI NEPOTEM esse,

Et peditem esse.

Proficisci in ordine gregariorum ritu,

Equo carere,

Prandere cum Domesticis

Seorsim à Patruī Mensa,

Quoadusque Signifer esset.

Certè certè dura:

Et tamen his duris RAYMUNDUS est usus,

Ut

*Ut gloria stimulus;
Virtutem sequens monentem:
„Dura juvenutis experimenta,
„Magna esse fortuna praeludia:
„Solere Naturam,
„Quæ pretiosiora sunt,
„Involvere asperis,
„Rosam Spinis,
„Aurum rupibus,
„Unionem Concha:
„Non, ut prohibeat invida,
„Sed,
„Ut non det, nisi promeritis.*

Dura hæc supergressus

RAYMUNDUS EQUITUM TRIBUNUS,

Vt se totum jam CÆSARI dedicaret,
Se sibi eripuit.

Et siderum more nunquam quiescens,

Majorum suorum premens vestigia,

Vt fieret par meritis;

Quem Sanguis fecerat parem Natalibus;

Horumque splendorem

Ab Avis, Abavis, Tritavisque

Et ultra Acceptum,

Vt transmitteret auctiorem ad Posteror;

Turpissimum ratus Naturæ monstrum

Nobilem esse & ignavum:

Cujus,

Cum Sanguinis privilegio plurimum possit

Caput inertia torpeat,

Cul-

Cuique

*Cum Natura dederit prerogativam profapia,
Non eniti ad virtutis trophaum,*

Hoc egit,

Ut suæ Legioni mox leges daret:

Daret?

Immò verò in SE exprimeret.

Docens exemplo sibi subjectos

Disciplinam Joannis docentis

„ Milites estote contenti stipendijs,

„ Neminem concutiatis, &c.

Procul omni cupiditate habendi,

Tantâ manuum abstinentiâ,

Ut, cum ultra,

Quàm quò stipendium frugale porrigeret,

Sumptus erogare non posset,

Etiam haud ambiret.

Unde factum,

Ut manibus mundis **RAYMUNDUS**

Ferrum fortiùs stringeret,

Quoties in hostem stringendi daretur occasio:

Jam tum,

Ea præbens prudentiæ militaris

Fortitudinisque specimina,

Quæ

In Heroibus aliàs sæpe

Sunt Veteranæ Virtutis Insignia:

Hinc novus honos.

GENERALIS VIGILIARUM MAGISTER DECLARATUR

RAYMUNDUS.

C

Utque

Utque celebrēs Majorum laudes
 Cumularet suâ virtute,
 Copulavit Aulicum Militi,
 AUREA CLAVI
 DONATUS A CÆSARE.
 Credo, ut,
 Quoties in futurum
 Tectis insidijs sua occluderet
 Contra AUSTRIACOS
 Hostis consilia,
 MONTECUCOLUS clavim haberet,
 Quâ Reſeraret ſecreta.
 Niſi fortè videntem facere malis
 Ex CÆSARE:
 Qui
 Angelum magni Conſilij
 RAYMUNDUM fore præviderit,
 Et Ducem
 Secreti tenacem,
 Non aliâ clave recludendi,
 Quàm CÆSARIS,
 QUI
 Totam conſiliorum ſuorum exedram
 Olim eſſet
 In Pectore RAYMUNDI Clauſurus.
 Nunc
 GENERALIS VIGILIARUM MAGISTER
 Satagit prodeſſe,
 Dum præeſt:
 Vigilare vigil ipſe ſuos docet,
 Hostes

Hostes cogit.
Suos vigilare docet,
Dum ostendit prævertere hostis insidias;
Cogit vigilare hostem,
Dum struit illas
Haud opinanti.

NAMSLAVIAM SILESIÆ testor,
Obsessam à Suecis,
Anno Sæculi hujus quadragesimo quinto.
Hanc

Oppugnabant Suecorum octo millia,
Propugnatore Reichenavio
Hodiedum superstitite & Tribuno:
Hic,

Desperato succursu,
Hosti herbam porrecturus erat:
Cum, ecce tibi,

RAYMUNDUS NOSTER

Ductis post se
Tantum duobus equitum millibus,
Per avia Silvarum & invia
Viam sibi non tritam aperiens,
Namslaviam venit non expectatus Hospes:
Equè improvise
Obsidentes aggressus,
Sternit, cædit, profligat.
Consternati
Cum nescirent, quid prius,
Quid posterius agerent;

Unum

Unum omnes agunt:
Obsidionem solvunt, & fugiunt,
Relictis Victori tormentis,
Et Impedimentis:

Credo;

*Ut expeditius fugerent;
Vigilaturi imposterum melius;
Ne à tali Vigiliarum Magistro
Sapius vigilare cogantur.*

O Virtus! ò gloria:

Quid mirum, Lector?

SI TALEM VIGILIARUM MAGISTRUM
Comitetur Fortuna?

Miles amet, non timeat?

Hostis timeat, quem odisse non potest?

Visa tamen est Fortuna Mater.

Novercam induere:

Quando

RAYMUNDUM destituens,

Dedit Captivum Suecis;

Nescium,

Ipsammet hanc Captivitatem

Sibi frugi fore.

(„*Ut solent timentibus DEUM*

„*Omnia cooperari in bonum*)

Nam RAYMUNDUS

Stetinum à Banniero deductus,

Istic quidem hæsit biennio:

Nolebant enim Sueci

Tantum Virum

Pecu-

Pecuniæ Scoreâ,
Ceu litro redemptum
Ad suos remittere:
Servandum ducebant:
Donec Suecorum aliquis similis illi,
In manus fortè Cæsariensium incidens,
Faciliorem impetraret eliberationem suâ,
Si **MONTECUCOLO** compensaretur,
Quem tantoperè repeterent sui,

Subdolo tamen,
Nec inutiles Suecis consilio:
Qui scirent,

Consilio & manu **RAYMUNDI**

Cæsarienses intereâ carituros:
Uti factum eo biennio est:
Quoadusque Schlangius eorum,
Prope Fridburgum ad Saltum
Factus Captivus
Redderetur in **RAYMUNDI** vicem,
Quî credis autem
Captivitatis tædia

Sibimet leniſſe **RAYMUNDUM?**

Audi:
Tempus ei erat pretiosum,
Quia sapientiam habebat in pretio:
Propterea,
Ne Captivus languesceret otio;
Negotiosum se Captivus fecit,
Libros acquirit:

Discitque à mortuis scientiarum Magistris
Vel inter Hostes Captivus,
Quæ Liber inde factus

Liberiùs erat exerciturus in Hostes.

Loquebatur cum Tacito,

Et discebat Politicam:

Ingressus Euclidis Elementa,

Recedebat Geometra:

Vitruvij Præcepta volvens,

Fiebat Architectus:

Jurisprudentiæ fontes indagans,

Æstuansque Justitiæ siti,

Æquitatem hauriebat ex Codice:

Nec Thomæ ignarus,

Nec Galenum omittens,

Nec Aphorismos Hypocratis:

Verbo.

Stetinenſis Captivitas

RAYMUNDO Schola fuit:

E qua tantus Vir exivit,

Scientiarum omnium gnarus:

Quæſ Juniori,

Post delibatas humaniores Musas,

Militiæ statim dato

Inhiare non licuit.

Literarum semper exinde

Cultor in SE,

Promotor in alijs.

Egreſſus autem ex Ergaſtulo

RAY-

RAYMUNDUS πολύτροπα

Ferrum

In Captivitate hebetatum,

Quod

Hostili potiùs sanguine reacuere maluisset,

(Saltem debuisset)

Induci se passus est,

Ut in Socium stringeret.

Fuerant Captivitatis Socij

Pompejus Comes & Broijus,

Schleinitzjus etiam Henningiusque Barones:

Nescio,

Quid tricarum intricaverint Chartæ;

Schleinitzjus

Alapam impingit Broijjo:

Hanc

Captivus Ille

Coactus portare inultus est.

Ulturus liber,

MONTECUCOLUM orat Patrinum;

Henningium Schleinitz.

RAYMUNDUS

Honori sibi tum ducens,

Quod tantoperè postea inhibuit alijs,

(Quamvis Immorigeris)

Non renuit Spartam:

Adstat Broijjo læso

Contra lædentem Schleinitzium,

Stipatum Henningio:

Fit inter duos Duellum,

Quo

Quo
 Schleinitzius læsus sub femore,
 Sanguine abluit
 Factum in Militem non sat militare.
 Potuissentque reconciliari momento;
 Nisi
 Viso Schleinitzij sanguine,
 Sanguis ebullisset **RAYMUNDI**
 In intrepido pectore:
 Henningium provocat
 (Nullâ quantumvis datâ noxâ,)
 Ad noxium moribus Christianis
 Duellum.
 Provocatus Henningius
 Manu promptus congregitur:
 Impar autem
 Armis per **RAYMUNDUM** exutus,
 Se Victum agnoscit.
 Tumque **RAYMUNDUS**
 Conciliat animos omnium,
 Qui omnes in arenam descenderant.
 Ipse autem
 Cùm
 Nullum jam obsequium sentiret difficile,
 Nullum Imperium sterile,
 Novo auctus Cingulo,
 Novum scandit Dignitatis gradum,
DICTUS A CÆSARE
GENERALIS MARESCALLI LOCUMTENENS:
 Gratulantibus sibi

GELE-

GELENIIS, GALLASSIIS,
HOLTZAPFELIIS, HATZFELDIIS,

(Omnibus Campi Marefcallis)

RAYMUNDUM esse,

Cui ^{vires} Viro deinceps suas

Tutò possint concedere:

Ceu ^{vires} verò forti,

Impavido pectore,

Solerti, Prudenti, Circumspecto;

In quo excelsa omnia,

Nihil mediocre;

Ne corpus quidem.

Suavissimis tamen moribus,

Miscebat Authoritati Modestiam,

Grato,

Nec usitato omnibus temperamento;

Adeo comiter,

Ut

Invidiam opprimeret, non invidos;

Unde,

Quem apud pares habebat amorem,

Hunc habebat apud majores favorem:

Saltem,

Ut haberet, dignissimus.

Nam

Publicè sibi obligabat Omnes,

Privatim Singulos.

Digniori hoc militari Cingulo

Cinctus RAYMUNDUS

Majoribus se servitijs alligari sciens,

E

Majo-

Majora est ausus,
Junxerat se Turenius
Suecis & Hassis
Hassiam inter & Wetteraviam
Anno MDCXLVI.

Inde
Varijs circumacti itineribus,
Signa in Bohemiam vertunt,
Tribulantque Tribeliam.

RAYMUNDUS NOSTER

Unà cum JOANNE DE WERTH,
A DIVO FERDINANDO,

Qui Pilsnæ substitit,at,
Cum octo Equitum,
Peditumque millibus binis
In Hostem immissus,
Cum iter per vallium cava fecisset,
Inobservatus Suecis,
Obvias habet
Sedecim Inimici phalanges:
Quas omnes
Feliciter dicas, an fortius?
Ita cecidit & stravit,
Ut vix superesset Nuncius pugnae.
Vrangelius,
Quem furiosum vulgò vocabant,
Istic occubuit.
Labara decem ac quatuor
Abs Hoste reportata
Ferdinando Pilsnam remissa sunt.

Non

Non incruenta ramen
Stetit hæc

RAYMUNDO Victoria:

Læsus Ipse
Equum etiam, quo vehebatur,
Trajectum indoluit.

Hoc præstans!

Sed præstantius illud, quod sequitur.

Stratum ponte Danubium

Laubingæ transibant cum suis,

Anno Sæculi XLVIII.

Vrangelius, Königsmarkius, Turenius;

Petebantque Augustam.

His

Ut anteverteret Holtzapfelius,

Idem & ipse legit iter:

RAYMUNDUM eligens,

Ut Equitatu clauderet agmina.

Hostis,

Qui prior accesserat,

Occupatis viarum angustijs,

AUGUSTI ad **AUGUSTAM** armis

Infestus fit:

Plumbeâ grandine

Depluens in Cæsareos

Tam spissè,

Ut millia caderent, hisce fabis attonita:

Et

(Quod caput est)

Ipsum Caput Militiæ

HOLTZ-

HOLTZAPFELIUS MARESCALLUS.

Cadente hoc Capite,

Membra quî starent?

In eo res erat,

Ut tota pectus iret,

Nisi

Resumpto

Qui **HOLTZAPFELIUM** destituerat, spiritu,

Succollans Marefcallo,

(Cujus erat Locumtenens)

RAYMUNDUS,

Reanimâset exanimatum Exercitum,

Dum Hosti semet & Equitatum opponit,

Velitationibus,

Dexterè ac feliciter habitis, detinet:

Quoadusque Peditatus,

Ultra Scutterum Amnem

Traductus,

Sub mœnibus Augustæ,

(Quò ingratij **HOLTZAPFELII,**

Gronsfeldius Bavarix Marefcallus

Jam ante penetraverat)

Tutus consideret.

Tum enimverò **RAYMUNDUS**

Telam, quam texere prudenter inceperat,

Æque prudenter absolvit,

Qui enim

Pedites tuto loco locavit,

Cùm jam Equitibus solis

Spolij nihil

Hosti

Hosti posset detrahere,

S E M E T,

Hosti subtraxit,

Admirantibus ipsismet Suecis,

Tantam **IN MONTECUCOLO**

Rei bene administrandæ solertiam.

Qui

Magnam verè Victoriâ reportâsset

CEDENDO, NE CÆDERETUR.

Sapiens enim erat **RAYMUNDUS:**

Sciebat,

Ubi facere non possis, quod velis,

Sat esse,

Si hoc agas, quod possis.

Scribi non potest,

Quantum latitiæ **CÆSAR,**

Quantum **MAXIMILIANUS BAVARUS**

Armorum Socius

Inde conceperint,

Quantum laudis **RAYMUNDUS**

Sustulerit:

Præficiendus jure merito

EQUITIBUS GENERALIS,

Qui **EQUITATUM** tam prudenter & dexterè

Dirigere noverat.

Sed hoc fiet, cùm bella erunt:

Nunc

Pacem, sub hæc, dederat

ORBI WESTPHALIA.

Unde
Feriari jam Miles,
Et vertere enses in vomeres,
Proceres Aulam colere,
Quiete frui & otio.

SOLUS RAYMUNDUS.

Æqualem in diversis temporibus
Animum gerens,
Nec belli Injurijs fractus,
Nec
Debilitatus pacis illecebris,
De bene vivendi, beneque merendi studio,
Nequicquam remisit:

Sed
Siderum more inquires,
Ut ex ipsomet hoc pacis otio,
Negotium faceret,
Iter suscepit,

Peragrataque Germaniâ totâ,

Et Belgio universo,

Unâ cum Itineris comite

Comite Æneâ Caprarâ,

Navim conscendit,

Hamburgo solvens in Sueciam:

Prælagus, credo, futuri;

Ut Gentem & mores inspiceret coram,

Cum qua paucis post annis

Sibi iterum res esset futura

REGINÆ CHRISTINÆ

Imprimis gratus;

QUÆ

QUÆ

Suspiciens magnas virtutes

In Viro magno,

Magna illi præbuit

Munificentia Regalis argumenta:

Cupiens

Sui apud **RAYMUNDUM** memoriam

Vigere semper in pectore,

SUAM EI EFFIGIEM

Margaritis pretiosè distinctam

Appendit **AD PECTUS.**

Patrios inde lares lustraturus,

Ut illustraret, quantumvis illustrissimos,

MUTINÆ EXCEPTUS,

Suis acceptus,

Virtutum

In se solo & uno

Detexit Exercitum:

Quo circumdatus,

Perfecti Herois Ideam circumferebat in vultu,

Mox omnibus à se numeris absolvendam,

Emicabatque tantus in **RAYMUNDO**

Virtutum vigor,

Tanta præstantia,

Ut nec in ludicris posset abscondi.

Ardebat nuptialis **MUTINÆ DUCIS TÆDA,**

Utque magis lucesceret,

Inflammabantur animi Procerum

Ad virtutis certamen.

Indicetur Hastiludio dies;

Nobi-

Nobilitas convolat:
Indigenæ adsunt & Advenæ,
Reportaturi Honoris bravium,
Honorem ipsum.
Concurrunt in stadio Equites Cataphracti,
Committuntur hastæ & lanceæ,
Fortitudinem suam quisque exserit,
Ut præbeat vigoris exemplum.
Intrat & in scenam **RAYMUNDUS**
Cataphractus, lacertosus,
Corpore procero & valido;
Nec erant omnes,
Ut cum E O aleam jacerent.
Unus erat Malzanius Comes,
Vir fortis & animo magno,
Qui contra **RAYMUNDUM**
In arenam descenderet.
Datur signum Certamini,
Concurritur in stadio,
Committuntur in medio stadij Hastæ,
Moxque
Suam **RAYMUNDUS** librans,
Impingit
In lorica tum Antagonistæ pectus
Tantâ vi, vigore & impetu,
Ut non sustinens impetum Adversarius,
Unâ cum Ephippio
Elisus ex equo
Sterneretur humi,
Hoc parum est:

Equus

Equus ipse ex impetu tam lacertoso

Tremulus,

(Equo RAYMUNDI æque titubante)

Collapsus in terram est.

Et hoc plausu exceptum & gaudio,

Fortitudinis præmio:

Belleque hætenus omnia :

Nisi

Ultima gaudij occupasset luctus.

Nam

Impacta

In Manzanij pectus lancea,

Et confracta

Festucam cuspidis suæ

Galeæ inter & loricæ juncturam

Casu inferuerat cadentis collo

Tam alto vulnere,

Ut cum sanguine exhalaverit Animam.

Disce, Viator, duo:

Unum est,

RAYMUNDI *fortitudinem*

Vel per ludum exsertam

Adversarios sternere:

Alterum,

Mortem etiam in rimis esse.

RAYMUNDUS autem

Nunquam in vita victoriæ indoluit,

Nisi huic,

Quam contra mentem

Funestus obtinuit;

G

Plau-

Plausum tamen promereri visus
 Victor in luctu.
 Revocatus ex Italia
 Morte ERNESTI,
 Futurus ejus ex Testamento Hæres,
CUJUS EX FRATRE NEPOS
 Olim Discipulus fuerat;
 Ut,
 Cujus disciplinam
 Adolescens admiserat;
 Hujus etiam Hæreditatem
 Vir factus adiret,
 In Germaniam redux
 Dynastiâ Hohenneggianâ potitus est,
 Dictus
A DIVO FERDINANDO
MAGISTER EQUITUM GENERALIS.
 Eâ Dignitate fulgentior,
 Et ditior Hæreditate,
 Circumspicere prudenter cœpit,
 Eccuinam junctus Viragini,
 (Fortunæ Conforti)
 Hæredes susciperet,
 Ad quos olim hæreditatem transmitteret.
 Potuisset Italia
 Suppeditare Lucretias;
Sed malebat Germana indolis Sponsam,
Qui apud Germanos
Sibimet fabricâr at fortunam.
GERMANAS INTER

Quan-

Quantumvis fat sciret
Vix ullam fore,
Quæ sibi se junctam nollat,
Noluit tamen ex tanta Unionum copia

Seligere,

Nisi

MARGARITAM.
ERATHÆC INCLYTO
PRINCIPUM DIETERICHSTEINIORUM
SANGUINE CRETA,
MAXIMILIANI PRINCIPIS
SUMMI IMPERATRICIS AULÆ PRÆFECTI
FILIA,
FERDINANDI PRINCIPIS
SUMMI
(EXEMPLO PATRIS)
IMPERATRICIS AULÆ PRÆFECTI
SOROR,
ET SEXUS OLOR.

Educata in Genycæo
ELEONORÆ MANTUANÆ AUGUSTÆ;

(Unde quid potest, nisi virtus exire?)

HAC MARGARITA
Ut ornaretur RAYMUNDI Thorus,

Ipsam Ille ornat casto Conjugio,
VIDUA PARANYMPHA,
SED AUGUSTA.

Cujus ex Aula Domum deducta,
Dum RAYMUNDO Cohabitat,
Vt gentem multiplicet;

Multi-

Multiplicavit DEUS lætitiā,
RAYMUNDUM determinans,
Quem

LEOPOLDUS FERDINANDI PATRIS SUCCESSOR,
Carolo Gustavo opponat
Poloniam devastanti,
Oppositus Illi,
Decedente Hatzfeldio,
Declaratur

IPSE CAMPI MARESCALLUS;

Vifus ad dignitates portari;

Qui

Primas DEO, fecundas CÆSARI daret,
Confenfo autem hoc novo honoris gradu,
DEUS BONE!

Quantam laborum, moleftiarum
Curarum ac follicitudinum fegetem
Sub uno hoc MARESCALLI nomine,
Tectam deprehendit?

Sed

Facile vicit hæc omnia,

Qui

In labore Voluptatem, Delicias in Moleftijs,
Otia in Negotijs poffidebat.
Hoc tamen egit imprimis,
Vt poft Rakozzium castris exutum,
Ejectis Cracoviâ
Malæ ejus fidei poffefforibus Suecis,
Fidei redderet CASIMIRI REGIS
REGNI SEDEM;

NUTANTEM in vertice ejus CORONAM

Sic reficens,

Quâ refixâ,

CAROLI REGIS SOCIUM,

POLONIÆ FIDUCIARIUM ELECTOREM

CASIMIRO redemit,

Totâ Provinciâ Ducali Prussiâ

Relictâ Electoris arbitrio,

Quæ hæcenus steterat REGIS.

Studuit enim semper

Et effecit sæpe RAYMUNDUS,

Vt

Principum exterorum amorem,

Cum sui CÆSARIS utilitate

Connecteret.

Auctus hoc Socio,

Cùm foederatum Heri sui

FRIDERICUM DANIÆ REGEM

Ejectus Poloniâ

Lacesseret CAROLUS,

Illuc ivit suppetias;

Calcantisque constricta gelu MARIA

Premens vestigia;

(*Inclementissimo sub frigidissimo climâte cælo*)

AT HOLSATIAM,

INQUE HOLSATIA GOTTORPIUM

DUCATUS METROPOLIM

(*Electore Proxenetâ*)

Sub LEOPOLDI fidem mittit:

FRIDERICO DUCE

H

Suecia

Suecia Regis Socero

Certâ lege

TONNINGAM remisso.

Inde

Alsenam Insulam mari vectus expugnat,

Deletis Suecorum millibus quatuor.

Quêis Alchenbergius præerat:

Eâque usus victoriâ,

SONDERBURGO incumbens,

Insulæ Capiti,

ET NORDBVRGO

Principum fœminarum sedi dicato,

Vtrisque sine cæde potitur:

Et, quod mireris,

IPSAM OEDAM FRIDERICI

Non pugnans expugnat:

Dum eam vix adhuc circumvallatam

Destituunt præsidiariorum millia quatuor:

Qui per posticum elapsi,

Sunt trans mare vecti.

RAYMUNDUS

Ita auctus victorijs,

Augetur & Prole:

Primo Conjugalis lecti pignore,

ALOYSIA ANNA DICTA

FRANCISCO ANTONIO

COMITI WERCKÆ post nuptâ.

Datisque

Privato huic Baptismali gaudio

Diebus pauculis,

Publi-

Publica repetit :
Relictâ post se puerperâ,
In Fioniam penetrare Navigijs
Tentat **RAYMVNDVS**
Ipse Argonauta,
Ipse Ulysses,
Sed ad antrum Polyphemi deductus
Parum abfuit,
Quin mortis istic Victima caderet;
Læsus in tibia trabis vestucâ
Quam
Tormenti globus à nave avulsam
Tibiæ **RAYMVNDI** impegerat
Tantâ vi,
Ut scipionem simul excuteret manibus
Cui innitebatur.
At erravit,
Qui tormentum explosit.
Non nitebatur scipione **RAYMUNDUS**,
Sed virtute :
Hanc oportet, excutias;
Quicunque cogitas **RAYMVNDVM** sternere,
Stabat ejus invicta Virtus;
Scipio cadebat & Corpus,
Quo cadente,
Cum multi jam cecidissent ante,
Et caderent plures,
CEDERE visum est expeditius,
Quàm ultra **CÆDI** :
Si fortè,

Resti-

Restituto sibi **RAYMUNDO**,
 Interruptum hoc opus
 Postliminio reassumeretur felicius;
 Ut factum est:
 Non quidem praesenti **RAYMUNDO** Corpore,
 Sed anima;
 Id est Consilio:
 Quod observatum deinceps,
 Eos peperit Rerum
 Fortissimè & felicissimè gestarum
 Eventus,
 Quèis
 Jutiâ demum superatâ
 Omnis istic Militia Suecorum
 Aut caesa aut capta:
 Neoburgum Insulae Caput
 Deditione factâ subactum est.
 Nemo immunis mansit;
NISI PHILIPPUS
COMES PALATINUS, SULSBACENSIS PRINCEPS,
ET STEINBOCKIUS GENERALIS:
 Qui singulis singuli conscensis scaphis,
 Singulis sibi servis assumptis,
 Captivitatem evaserunt,
 Aut necem;
 Relictâ Victoribus Supellectile universâ.
 Et hæc quidem
 Liberatio Hafniæ fuit.
 Cui
 Audaciores per hanc victoriam

Facti

Facti jam Batavi
Ausu sunt,
Pugnatâ feliciter navali pugnâ,
(Ringentibus Suecis,
Sed non sine strage)
Inferre viros, Arma, Annonam,
Et hæc quidem hætenus
Leopoldo Rege.
Coronatus autem Imperator,
Cum Septentrioni referret
PACIS OLEAM,
IN OLIVIS carptam,
Cui pax Pyrenæa præluserat;
Et Daniæ quoque Regis vertici
CORONAM REPOSUIT,
Quam refixisse dici RAYMUNDUS potest
LEOPOLDI AUSPICIIS.
Redux
Post pacem Arctoïis procuratam
RAYMUNDVS,
Cum
Altero Margarita partu
Effet Enixa Pragæ
CHARLOTTAM POLYXENAM
COMITI KISELIO HODIEDUM NUPTAM
Gloriosum se stitit CÆSAREÆ AULÆ
Gratulanti sibi
Tum
De tanto tamque feroci
Septentrionis Bello
I

Forti-

Fortiter per **RAYMVNDVM,**
Auspicijs **LEOPOLDI,**
Confecto;
Tum
De servato **HEROE** majoribus reservando;
Nam ecce:
Vix cessaverat **RAYMUNDUS** pugnare pro Regibus;
Et iterum
Mittitur pugnare pro **CÆSARE:**
Istic,
Ut Coronas recuperaret,
Hic,
Ut servaret.
Rakozzium persequabantur Turcæ
Ut Rebellem sibi,
Quòd bellàffet contra Polonos pro Suecis;
Malè quidem miser erat multatus,
Deletis triginta bellatorum millibus,
Vix cum quadringentis suorum
Servatus:
Sed indocti *Christi legem* Barbari,
Afflictionem afflicto addendam
Rati,
Exuendum planè decernunt
Transilvaniæ Principatu.
Involvebat ea calamitas Ungaros
Et Ungarorum Regem
CÆSAREM LEOPOLDUM.
Iverat **SOVCHIVS,**
Vt retunderet tela,

Et

Et fecisset,

Si Pontifex istius anni fuisset:

Sed

Casus hic reservatus erat

Pro Assertore Regum

RAYMUNDO.

Expertus quippe fuerat

LEOPOLDVS,

Non modò felicitatis votum;

Sed

Ipsius etiam voti fiduciam,

Firmare ac sustinere

RAYMUNDUM.

Eamque voti fiduciam

Vt sustineret melius atque firmaret,

Aulæ intimum

AD INTIMA QVOQVE CONSILIA

CÆSAR adhibuit;

Nec enim erat,

Cur animi secreta eum celaret,

Cui

Sceptra & Coronas credidisset,

Compensaturus sic remedia

ARAYMVND O

Gravissimis sæpe

Et

Deploratis non raro rebus inventa,

Primum autem,

Quo

In Turcarum hoc bello

Suæ

Suæ mentis intenderet aciem,

Hoc fuit,

Vt

Hostium consilia exploraret solers,

Impediret cautus.

Cinxerat Alî Bassa

Transilvaniæ Munitionem

Huilstium,

Speque devorabat ut suam.

Illuc accurrens cum Exercitu

RAYMUNDVS,

Explicatis per viam agminibus,

Eo se ordine cautus huc egit,

Qui indicium faceret

Archistrategi,

Propediem volentis configere.

Timore perculsus Bassa,

Obsidionem ocyus solvit,

Et tranat Tibiscum.

RAYMUNDVS cedentem insequitur,

Superatoque eodem ipse amne,

In eas redigit Bassam angustias,

Vt Campum **RAYMUNDO** relinqueret.

Quo

Claudiopoli ille, Samosviviariæ,

Aliisque munitis Locis

De annona virisque providit,

Munitione Fogaras

Mediam secante viam,

Quâ

Viennâ

Viennâ Constantinopolim iter est,

Affertâ

AUSTRIACIS AQUILIS,

Ut

Securiùs illæ in futurum

Unâ cum Transilvania

Hungariam quoque universam

Suis alis protegerent.

Deserebant inde Transilvaniam Turcæ

Reductis in sua copijs :

Credo , ut reficerent.

Idem facturus RAYMUNDUS,

Et

Suum is Exercitum

In Hungariæ Campos retrahit,

Ut

Exhaustos miserijs & egestate viros

Refocillaret.

Sed Pannonum

(Polonis moribus cognata) Gens

Liberatorem sui Ucalegontis

Exercitum

Amovere à se, non reficere cupida,

IMPERATOREM Importuna exorat,

Ut

Austriæ is suæ

Molestum hoc reparationis onus imponeret,

Malo,

Quo Varadini postea,

Zeckelheidæ, aliarumque Munitionum mala

K

Facta

Facta sunt irreparabilia.
RAYMUNDVS autem in Austriam redux
Cum plausu recipitur.

Sed

Quia plausus hic Hominum erat
Moventium saepe, non promoventium semper,

Ut

Plenior esset Laus VIRI,
CUI nulla Laus tribui non debita posset,
DEUS illam

Ex ore Infantis & Lactentis

Perfecit.

Infantem enim Illi

Conjux pepererat,

Dum RAYMUNDVS in Transilvania pugnat,

UNIONEM MARGARITA,

FILIUM PRIMOGENITUM,

LEOPOLDUM PHILIPPVM

Sacro fonte dictum,

Levatum A CÆSARE.

UNIONEM dicimus,

Quia UNICVS est,

Qui vixerit, vivit, & vivet

TANTI PATRIS

Ex asse HÆRES.

Sicque iterum

Multiplicans MARGARITA Gentem,

Multiplicavit RAYMVNDI lætitiā.

Merito,

Prælagiebat enim,

Qui

Qui non vivere semper se posse sciret,

In altero S E

S E fore superstitem.

Transactis Puerperij diebus,

Dum Turcarum motus stant in ancipiti,

Goëfio & Renningero pro pace

Laborantibus,

Sed delusis,

Vt docuit tempus;

Suæ Spartæ invigilaturus RAYMVNDVS,

Jaurinum abit.

Vt concreditis suæ fidei istic

Vngariæ finibus

Ita provideat,

Ne istac (qualiscunque demum) turbo

Implicaret Hungariam,

Detrimentum Respublica pateretur.

Restauravit Artē, reparavit valla,

Annonam convexit, Militi providit,

Lapsa erexit, firmavit infirma,

Administravit Justitiam,

Verbo:

Implevit totum id,

Quod in GUBERNATORE dici Virtus potest:

Ytque sic Annus fere,

Donec Castrum, quod vocabant, Zrinium

A Nicolao Comite recenter exstructum

Ad Muræ ripam,

Turbaret Quietem,

Namque Hoc Castri nomen,

Quod

Quod
Congestum arenæ tumulum rectius dixeris,
Tantum potuit in limis Barbarorum oculis,
Ut

Vel inde,
Ceu fractæ pacis Idolo,
Irritati;

Vltionem pararent Hungariæ universæ.

Quippe,
Budâ in Hungariam,
Mittit Sultanus,

Centum & quinquaginta mille
Virum exercitum,

Achmet Bafsâ Ductore,
Vt Uivarinum expugnet.

Quod,
Ne tentaturum quidem fuisse
Credebant multi;

Nisi
Barckanæ contra Strigonium sitæ
Animosius, quàm circumspectius
Hostem laceffivissent

Illi, qui istic præerant :
Factâ eruptione non maturâ

Maturantes loci in ripa Nitriæ siti
Deditionem:

Postquam
Præsidario Milite

Secum in Hostem educto,

Et cæso,

Uiva-

Uivarinum Propugnatoribus denudassent.

Et

Vt solent, dato uno absurdo, sequi multa alia:

Sic accidit;

Dum enim

Uivarinum expugnatur & deditur,

Tartarorum foeda colluvies

Immixta Turcis,

Nitriâ Marchiâque tranatis,

Prædas agit

In Hungaria Polonium,

In Moravia Brunam usque & ad Silesiæ fines

Omnia passim igne & ferro vastans,

Deductis multis Christianorum millibus

In Captivitatem.

R A Y M V N D V S

Rem eminus cunctando egit,

Ut potuit,

Hujus Sæculi Fabius?

Nam

Quòd cum senis virorum millibus,

Quos solos numerabat sub signis,

Apertè & cominus

Haud posset retundere

Inconditum Barbarorum Victorem gregem,

Sat habuit præcavere,

Ne in Austria hybernaret.

Auctus interim ipse

Prole novâ

Filiâ tertio-genitâ

L

ERNE.

ERNESTINA

Weissenvolfio Comiti primùm,

Mox Viduâ,

(Hodiedum dum hæc scribimus)

Kievenhillero recens Viduo

Desponsatâ.

At Turcæ

Uivarini deditiione tumidi,

Cùm in suo hybernâssent,

Vere ineunte,

Ut ad alienas jam Sepes alligarent equos,

Devorabant spe Hungariam,

Nidore ipsiusmet Austriæ

(*Sapidissimi ferculi*)

Naribus eorum sese ex Vicinia

Ingerente.

Et jam

Posonium videbantur,

Aut Jaurinum, aut Viennam

Speâtare arma Supremi Vezirij,

Qui Budam appulerat:

Cùm RAYMVNDVS

Illaudato, quod ad Canisam

Zrinij Comites frustra susceperant,

Opere,

Hostem invadendum potiùs in suo ratus;

Quantumvis Author fieret,

Ut Secundo Danubij tractu,

Uivarino, Strigonio alijsque deinceps

Danubio adsitis locis

In potestatem redactis,
Expediio duceretur (si fieri posset) in Bosniam:
Milite, Annoxâ & reliquis
Quibuscunque ad victorias reportandas necessarijs,
Illac commodiùs defluxuris;
Immutare tamen fata non potuit;
Quò minùs
Obsideretur Canisa se absente:
Non methodicè,
Ideoque nec felici eventu:
Namque
Adveniente Vezirio,
Et
Obsidio illa soluta est,
Et
Zriniorum aggestum tumultuario opere
Ex arena Castrum
In manus ejus devenit,
Parvum quidem
Tantæ Expeditionis pretium,
Sed ingens famæ Christiadum vulnus,
Quod eundo crevit.
Donec **RAYMUNDUS**
Auctus, quas Imperium Galliaque
Submiserant, copijs,
Quanquam heterogenijs & heteroclytis,
Lapsam Restituit Rem.
Mox enim,
Ut Morigerum haberet
Et subditum sibi

Et tot

*E tot diversis Nationibus
Conflatum istic Exercitum,
Semet subjecit*

EXERCITUM DEO.

Votum vovens devotè

Redituum suorum

Decimas

Ejus supremo Numini
Fore in futurum sacras
In Egenos erogandas,

Si

Decumanam omnipotens Ejus Clementia

CÆSARI LEOPOLDO

Concessura esset de Communi Hoste

(Se administro)

VICTORIAM.

Inde

Christianitatis salutem

Supremam sibi legem statuens

Procul

Ab Æmulatione adversus Collegas,

Tametsi acriter impetitus;

Procul

Ab Austeritate adversus subiectos

Exemplo magis,

Quàm potestate gubernans,

Antevertensque quotidie Turcarum

Consilia,

Et Vezirij conatibus constanter elisis,

Arabonem amnem

Quæ.

Quærentis traicere,
Traicentem demum ad S. Gothardi Fanum,

Et vincere incipientem,

Tantâ prudentiâ stitit,

Tantâ fortitudine retudit,

Tantâ constantiâ profligavit,

Ut ultra

Quatuordecim Barbarorum millia

Istic

Vel cæsa, vel suffocata aquis,

(Dixisses

Arabonis flumen,

Cadaverum syrtibus obstructam

Sanguineis tumuisse Vorticibus)

Ingentem illam

Et toti Mundo notam Victoriâ

DEO sic favente,

RAYMVNDO adscriberent,

Per quam

Non Hæreditariæ Cæsaris Provinciæ tantum,

Sed &

Christianitas respiravit universa.

Uti enim fuerat

Univerforum è periculo malum;

Ita & tunc facta est

Communis è re tam bene gesta salus.

Non tamen eò minus,

Sic publicè felix **RAYMVNDVS**

Privatas sensit

Æmulorum acerbitates;

M

De

De quibus tamen
Tantò sibi confidentius
Gratulabatur
Ceus Virtutum satellitibus,
Quantò
Luculentior ei bene gestæ rei
Testis erat **LEOPOLDUS CÆSAR**

Operâ Raymundi
TRIUMPHATOR
Cujus hæc sunt Imperatoria
Proprio pugno scribentis verba.

Caro Conte Montecucoli: con indicibile contento hò visto della vostra del primo d'Agosto il felice successo, e la grande Vittoria, ch'Iddio diede alle mie armi sotto la vostra condotta. E quest'è una Vittoria assai più grande, de quello credevamo: Se bene già lunedì feci subito cantar il Te Deum. ora posdimani farò far una salva alli bastioni: E perchè così in questa, come in tutte l'altre vostre attioni mostraste il vostro valore, giunto alla prudenza & Isperienza, & in riguardo del vostro longo servire, & de tanti servizij resi, mi risolsi dichiararvi mio Tenente generale. Io con grandissimo gusto & consolatione vi fò questa gratia, & riposo intieramente sù la vostra prudenza, assicurandovi della mia gratia, e resto vostro clementissimo Signor

L E O P O L D O.

O salutiferum contra quosvis

Zoilorum morsus

Antidotum!

O tutum Refugium!

A maledicentium fulmine

SUB

SUB ALIS AUGUSTÆ AQUILÆ!

Illi!

QUI primâ AUGUSTI die
AUGUSTAM hanc de Barbaris VICTORIAM

Reportavit AUGUSTO!

Meritissimo Jure factus

AVGVSTI LOCVM TENENS:

Quem

DEUS jam fecerat

Angelum Christiani Orbis Salvatorem,

Prosecutorum

Ultra flumen in victos Victoriam,

Si meris homogenijs membris

Constitisset hoc militare corpus,

Sed,

Quòd heterogenia ea essent,

Imò & heteroclyta,

Acquiescendum RAYMUNDO

Fuit renitentibus,

Ob fessum atque exhaustum inediâ militem;

Indeque, Qui

BELLO VICTOR necessitatem Turcis

Optandæ imposuerat pacis;

Ejus conficiendæ etiam

Constitutus Arbiter,

Ut exemplum daret,

Quàm

Et de Hominum, quantumvis Barbarorum,

Animis æque triumphare possit

Ac armis,

Pacem

Pacem Victis dictat & impetrat,
 Quasi imperet;
 Clàm tamen,
 Secretis conditionibus:
 Ut
 Illorum necessitas temporum
 Postulare est visa:
 Queis animadversum
 Suspecta agitari consilia,
 Factionis Hungaricæ Croaticæque
 Capita inter,
 Et
 Tum Christianitatis, tum Austriæ
 Hostes.
 Firmatâ cum Turcis pace
 Triumphum acturus
LEOPOLDVS CÆSAR
 TOGAM induens,
 Exuit SAGUM,
 Sagaciterque contemplatus
PALUDAMENTUM CÆSAREUM,
AUGUSTIUS id esse deprehendit,
 Quàm
 Quo solus tegeretur **AUGUSTUS**
ABSQUE AUGUSTA:
 Nec ornatus ejus elegans videbatur satis,
 Quam diu deesset **MARGARITA,**
 Hanc, ut infereret,
 E longinquo petit,
 Ubi solent Vniones legi,

MAR.

MARGARITAM EX HESPERIA
PHILIPPI REGIS FILIAM
SIBI TRIUMPHATORI SPONSAM.

Fiebatque clamor
In Augusta Domo
Augusti Sponsi
Medio Augusto:
Ecce Sponsa venit;
Exite obviam Ei:
Exite.

Cum mox
Superato Neptuni Regno
FINALEM appulsuræ;
Primus,
Quem obviam ei Honoris ergo
Emitteret LEOPOLDUS TRIUMPHATOR,
TRIUMPHI AVCTOR
RAYMUNDUS FVIT.

Nempe,
Gentilitijs ejus hoc deferebat Aquilis
ROMANA AQVILA;

Ut
Aquilarum more,
Prævolaret ad Solem:
Ejus hoc tribuebat meritis
TRIUMPHATOR SPONSVS,

Ut
Suorum Protector finium,
Emensis varijs terrarum finibus,
FINALEM excurreret

N

AMO.

AMORIS CURSOR;
MARGARITAM
Ad Maris Ligustici Litus

Excepturus PARANYMPHUS;
QUI MARGARITAM ORBIS
AVSTRIAM

Et Orbem ipsum
A Barbarorum Tyrannide
Nuper vindicaverat Miles:

Vbique Politicus,
Sive Militem consideres, sive Paranympum.

Vis Exemplum?
Audi.

Privata cujuspiam
Magni Hispaniæ Ministri
Ambitio

Negabat RAYMUNDO confessum
Cæsaris Legato dignum:

Hunc scopulum ut elideret,
Abeundo declinavit consortium.

In digressu,
Rogabat fastuosè RAYMUNDUM talis,
Velit redux in Germaniam

Sua CÆSAREM *amicitiæ facere certiolem,*

Attonitus non pertinenti huc voce

RAYMUNDVS,

Promptè mox oggerit,

Quin ino:

Ipsius MAJESTAS *jam pridem*

Tibi devovit humillima sua

Obse-

Obsequia:

Linquitque confusum;

Docens,

Non linguâ minùs Politicum,

Quàm capulo Militem,

Scire se cum decoro

Sustinere MAJESTATIS DECUS.

Decorum ergo hunc Politicum

Politices Doctorem

Quid sequi poterat,

Nisi novum Decus?

AVREO VELLERE DONATUR
ABS HESPERIÆ ARGONAUTA
PHILIPPO REGE
NOVUS HIC JASON:

Qui

Efficacis Succi herbam

(Politices sapientiam)

Legens

Deluso fastuosæ, ideoque & fastiditæ

Ambitionis Monstro,

Rectâ devectus in Colchidem

Detraxisset

Hoc aureum Vellus:

Exantlatos ad eum diem labores

Coronaturus hoc vellere,

Quali linteo

Nullum aliud suavis

Aulico sudori tergendò.

Vix

Vix hunc RAYMVNDVS absterferat,

Cùm abs Hungariæ finibus
Jaurino revocatus à CÆSARE
(Gravi istic morbo defunctus)

Ut,

Cujus Locumtenens olim fuisset,
Illius nunc fieret æque Successor,

In Locum HANNIBALIS
PRINCIPIS GONZAGÆ,
Supremi Bellici Consilij Præsidis

Vitæ functi

SUFFICITUR RAYMVNDVS PRÆSES:

Nempe;

Qui toties Victor,
Prudens semper direxit
Vacillantes sæpius
In undoso periculorum Martialium mari
Regum Naves,
Ad pacis portum;

HIC

Ponendus ad Clavum erat imposterum;

Quo velut è Specula,
Ne reinduerentur periculis,

Provideret.

Et certè,

Optimi Magistratûs Ideam

In semet expressit RAYMUNDUS,

Cujus occupatio fuit indefessa:

Publicas curas

Nullo,

Ant

*Aut literario tantum otio interpellans,
Agere saepe non visus,
Sed egisse:*

Frugum more;

Quas

Crescere nemo videt,

Sed crevisse:

Deliciari si quandoque est creditus,

Tum

Inter occultos Reipublica nodos

Vel maximè fuisse sollicitum

Eventus docuit.

Ad quietem

Se composuisse nunquam dicendus,

Qui

In ipsa quiete non descendit de specula,

Ut suaviter viverent alij,

Ipsè laborabat;

Ut otiantur alij

Occupabatur ipse:

Ut dormirent, vigilabat,

Nemo severiorem appellavit,

Dum puniret;

Nemo molliorem,

Dum parceret.

Facilis fuit,

Et auctoritatem retinuit.

Severitatem exercuit,

Amorem non minuens,

Bonis concessit præmia;

O

Data

Data non exprobravit.
Malos offendit;
Iram in odium non convertit.
Personarum firmus amicus,
Vitiorum inexorabilis Hostis,
Virtutum Æstimator æquissimus.
Ubi videri poterat
Omnes perfecti Præsidis implêsse partes,
Remissionem sibi nondum indulgit.
Dixisses
Martialis Disciplinæ scrinium:
Adeo
In animo singula gerebat reposita,
Quæ professionis erant.
Dixisses
Experientiæ Promum & Condum;
Adeo
Tot annorum eventus,
Tot negotiorum decursus,
Tot bellorum pacisve vices & causas
Observavit, Tractavit, Absolvit.
Poteratque videri
Jam Alcedonia nactus esse;
Et residere domi promeritus:
Adeo
Per omnes sui ordinis Honores,
Satisfecerat
Virtuti, Famæ & Gloriæ.
Cum accidit,
Ut

Poloniæ

Poloniæ Rex JOANNES CASIMIRUS,

Post

Exactos prope Omnes Hominum Status,

Rerum fastigiatarum satietate lassatus,

Abdicato Regno,

CORONATUM CAPUT subijceret

Gallicæ Insulæ:

Regem cum Abbate commutans,

Raro exemplo.

• Viduatam inde Regni Diadema,

Cùm novum ambiret Procum,

Cujus caput ambiret;

Ne meritorium diu prostaret,

Varios inter, eosque Extraneos

MAJESTATIS Procos;

Versatâ diu à Proceribus Urnâ,

MICHAELEM WIESNOVICZIUM

VOLINIÆ PRINCIPEM,

Recêpit REGEM,

REGEM ex Fratribus suis:

Domesticum, non Adventitium.

Penuria enim argumentum est

Quod aliunde adsciscitur:

Nec querit, quid foris nascatur,

Cui Domi sunt omnia.

ELECTUS PIASTUS Coronam accipere,

Coronantibus caput inclinat:

Inde occipiens ad MAJESTATEM ascendere,

Unde videbatur

Ad sui depressionem descendisse.

Collocatusque ita in Solio NEO-REX,
Ut
Tantæ sibi Fortunæ CONSORTEM adsciscat;
Illuc mox respicit,
Unde
VACILLANS NUPER FORTUNA REGNI
SOLIDITATEM RECEPERAT.
In AUSTRIAM mittit CULMENSEM EPISCOPUM,
Qui
ELEONORÆ MARIÆ CÆSARUM FILIÆ AC SORORI,
Offerat POLONIÆ CULMEN;
THRONUM REGIS ET THORUM.
Gratus ORATOR
Quod petivit, obtinuit,
SPONSAM AUSTRIACAM POLONIÆ REGI:
Repetito DOMUS Exemplo,
Quod cum ULADISLAO olim & CÆCILIA RENATA
FERDINANDORUM FILIA & SORORE
Meminimus celebratum:
Rescissis (Bonâ contrahentium pace) Sponsalibus,
Quæ ILLAM inter,
Et Juliæ Montiumque Ducem,
PHILIPPUM WILHELMUM,
AUGUSTÆ IMPERATRICIS PATREM intercesserant.
Domesticum hoc FERDINANDI PATRIS Exemplum
Imitaturus LEOPOLDUS,
Ut vicinæ cum Polonis amicitia
Firmior esset in futurum nexus,
Indissolubili eam illigavit Contractui,
Dato in fœderis Obsidem AUSTRIACO SANGUINE

In

In SERENI AMORIS Pignus
ELEONORA MARIA SORORE SERENISSIMA.

Nec restabat jam aliud;

Nisi ut POLONIÆ JOVI
Adduceretur HÆC AUSTRIACA JUNO:

Eratque accincta MATER AUGUSTA,
Unà cum Filia MARIA ANNA ARCHIDUCISSA,

Futuræ Ejus Itineris Comites,
Quo FILIAM & SOROREM erant visuræ
REGALI IN SOLIO,

De VIRO agebatur,
Qui tanti Itineris Prædux & Director
TANTAS ANIMAS jungeret.

Stabant gelu concreti Amnes & Fluvij:

Rigidiorque eâ Anni Tempestate, Bruma

Año 1670.
Mêse Febr.

Disjecerat Danubij Pontes,

Haud reparandos ullâ arte Pontificum.

RAYMUNDUS fuit,

Qui Tantæ Spartæ ornandæ

Electus à CÆSARE,

Danubium docuit

Dorso glaciali portare MAJESTATES;
Uti ferre alibi maria jusslerat calcantium greges.

ILLE ILLE Vischamenti duxit
Per substratum AUGUSTIS PEDIBUS Flumen,

Duplicis Aulæ Ingens & meticulosum,

Animarum Muliebrium Syrma:

Sequentibus longo ordine, graviq̃ue onere,

Onerarijs Curribus, Equis & Quadrigis:

Quorum bajulare Juga doctus Danubius,

Mi-

Minerval etiamnum **RAYMUNDO** debet.

ILLE ILLE traducto feliciter Amne,
Per Austriam, Moraviam, Silesiamque inde provectus,

Tam commodis semper viarum distantijs

Discrevit Majestatum Itinera,

Ut molestissimæ viæ vix sentirent molestias:

Quoadusque

CORAM CÆLICA DIVINÆ MATRIS MAJESTATE
CZESTOCKOVIÆ SISTERET MAJESTATES TERRESTRES.

Czestockoviæ factus ex Præduce

PARANYMPHUS RAYMVNDVS,

Ut cum decoro semper

Sustineret MAJESTATIS Decus;

Decorè consignat

Commissum Fidei suæ à MAJESTATIBUS PIGNUS
ELEONORAM MARIAM MAJESTATI

Regali mox Diademate Coronandam,

QUÆ CORONA FUTURA SPONSI REGIS ADVENERAT.

Sicque post factas Czestockoviæ

(In Cana ista Poloniæ)

Nuptias,

Cum plures jam MAJESTATES

RAYMVNDVS istic adorasset,

Quàm adduxisset;

Poloniæ quidem suas transcripsit,

AUSTRIACAM AUSTRIÆ

Cum plausu restituit,

Fuissetque denuo Alcedonia meritis,

Et quiete frui:

Sed Turbata iterum

Impor-

(Importuno Gallicinio)
Germaniæ quies,
ROMANAM quoque AQUILAM
Inquietam reddens;
RAYMUNDVM,
Revocavit ad Claffica.
Namque in malè ordinato Ordinum Theatro
Castigaturus erat LUDOVICUS Batavos:
Rogaveratque LEOPOLDVM,
Anno Sæculi feptuagesimo fecundo;
Ut Partium, medius fpectaret fcenam.
Et acceptaverat LEOPOLDVS
Conditionem hætenus,
Quamdiu
Publica inde Imperij falus,
Ab omni noxa
Servaretur innoxia.
LUDOVICUS
Explicat in Leones figna Liligera,
Eo fuffeflu,
Ut unius, non duorum menfium fpatio
Duabus potiretur Provincijs:
Munitionibus autem
Et Civitatibus in Provincijs
Quadragenis,
Civitates ferreis, Gubernatores aureis machinis
Quatiens.
Interpellatus inde LEOPOLDVS
Abs ipfifmet Belgij Ordinibus,
Ut

Tecto

Tecto sub Vulpina pelle Gallo
 Ne crederet,
 Tendenti post suppressos
 (Quos castigandos prætexeret)
 Batavos,
 Ad Europæ Monarchiam,
 Hispanis
 Aut voluntariè cæcis,
 Aut cæcutientibus ex industria:
 Quorum oculos
 Austriacus,
 Nescio, quis;
 Glaucomate illiniverat,
 Nescio Quo;
 Inflecti se sivit
 Ad privatas Batavorum preces,
Sub scemate publico pro se precantium,
 Ut
 Missis in Imperium pro Imperio,
 Cujus quietem (contra datam fidem)
 Violaverat Gallus,
 (Brandenburgico Electore Proxenetâ)
 Copijs,
 Ostentaret Gallicis armis Austriaca,
MONTECUCOLUM TURENIO:
 Ostentaret scribo;
 Quia
 Politicum hoc magis, quàm Martiale bellum,
 (Quantumvis se CÆSAREIS ARMIS
 In Weteravia ELECTOR conjungeret)

Vix

Vix ullam tamen patefecit
In Hostem Hostis plagam,
Stabatque Orbis attonitus,
Cujusnam in Caput condensaretur

Ea procella.

Cùm ecce **RAYMUNDUS**

Correptus Hemorrhoidibus

(Mortis satellitibus)

Padibornâ,

(Ubi invisus hybernare inceperat)

Norimbergam profectus est,

Valetudinem istic curaturus:

Inde

Viennam evocatus,

(Quamvis æmulorum ingratis)

Bournonvillio ornandam Spartam destituit.

Videbaturque Is

Infligere Gallo plagam velle Susati,

Socio Electore:

Sed

Quia **FRID-ERICUS WILHELMUS**

Cognominem sibi Pacem

Præligere suus erat

A Gallo:

Cujus cantum vicinus Clivensibus

Metuebat Juliacensis Leo,

Se separavit **ABS AQUILA**

Separatâ pace:

Fecitque

Ut,

P

Qui

Qui se solus
 Opponere jam ampliùs Turenio desperaret
 Bournonvillius,
 Is Viennam repeteret,
RAYMUNDUM *in subsidia revocaturus.*
 Moxque iterum **ELECTOR**
 Experienciâ doctus intereà,
 Quamvis Evangelicus,
 Non esse Evangelia semper,
 Quæ Gallus cantaret;
 Qui
 Verba daret factis contraria
 Committens cottidie in Pacis leges,
 Dum Imperio gravis,
 Imperij etiam terras inundaret armis:
 Exoratus iterum à Batavis
 (*Utli perorante*)
CÆSAREM Ipse orat,
 Ut
 In noxium non jam Batavis tantùm,
 Sed
IMPERIO GERMANO Gallum,
IMPERIALES immittat **AQUILAS**
 Sociandas suæ;
 Quæ
 E fimo eum non suo depellant.
IMPERATOR
 Audiens,
IMPERIUM Imperiale magis in futurum fore,
 Quod

Unà

Unà secum Imperij hostem declarâset Gallum,
(Si paucos in eo Principes demas,
Quorum ibant in diversa sententiæ)

Emittere denuo

AQUILAS decernit in Gallum;

Concedensque Ægram,

Ægris Imperij membris succursurus,

Vt

Aquilas lustraret coram,

Quas

In Gallos immitteret,

Sex invênit & triginta millia,

Expansis alis & unguibus,

Ad eviscerationem Galli

Parata.

Et His denuo

CÆSAR RAYMUNDUM præfecit:

Ratus,

Nulli tutius confidi posse

Austriacas Aquilas,

Quàm

Qui gentilitia arma gestaret

Aquilis insignita.

Ductori dein & Ducendis

Bene precatus

Dimisit ad Escam.

Sicque RAYMUNDVS iterum occipiens

Quæ consummaverat sæpe,

Calcatam multoties viam

Novis iterum vestigijs insignivit,

Et

Et victorijs.

Ochsenfurtam ad Mœni ripam testor

Et Marco Bareitam:

Vbi

Turenium deprehensum

Cùm pararet in castes induere,

Declinantem configere exiit Castris:

Turenio deferente Stationem

Noctis silentio,

Quam

RAYMUNDUS occupavit diluculo:

Donec

Aßschaffeburgum profugus

Mœno istic superato

Observaret **RAYMVNDI** motus,

Sed IS

Signa dabat & Verba

Trevirim recuperare volentis,

Ducto

Per stratum uno die duplici ponte Mœnum

Lohræ

Moguntiam versùs Exercitu:

Et quia volebat,

Vt hoc constaret Turenio,

Narrabat vulgo.

Credens Famæ Turenus,

Transmisso ocyus Oppenheimij Rheno,

Quantò sollicitiùs

Itinera Campestria Trevirim dirigit,

Ut **RAYMVNDO** prævertat,

Tan-

Tantò diligentius IS
 Transitum Rheni Moguntiaë urget & simulat,
 Nunquam transiturus.
 Quòd autem
 Oratus Elector Loci Princeps
 Suum negaret militi traducendo pontem,
 Gallorum metu;
 Alium **RAYMVNDVS** fabricandum committit
 Viro Principi,
 Magnanimo ac solerti,
HERMANNO BADENSI &c,
 Rei tormentariae generali Praefecto:
 Monetque Sollicitus,
 Velit
 Optimis suis hucusque factis,
 Adjicere hanc pontis fabricam
Auctarij loco;
 Quam
 Tantopere **CÆSARIS** servitia postulent;
 Vt anteverti possit adventanti Turenio prius,
 Quàm Is
 Impediat traductionem Exercitus.
PRINCEPS HERMANNUS
 Semper impiger,
 Impigrè satagens fabricandi pontis,
 Noctes & dies intentus est operi:
 Ipsi Pontifici minitatus suspendium,
 Nî gnavus sit.
 Probabatque

Laudandam Principis Viri
RAYMUNDUS Industriam,
Pontem curantis,

Cujus
Non erat istic futurus usus,
Namque aliam cudebat
Turenio **RAYMVNDVS** fabam,

Qui
Dum Ille trans Rhenum invigilat transituro;
Hic Pontem solvit noctis silentio:
Fartasque peditatu & tormentis naves
Jubet secundo Rheno
Defluere ad Confluentes,

Quò
(Rhenani Mosellaniq̃ue Pontis
Abs Electore Carolo Casparo certus)

Cùm
Equitatum Iple compendiosiori viâ
Per Montana, quantumvis aspera,
Deduxisset;

Per utrumque Traduxit.
Peditatum jubens navigijs sequi
Quo Bonnam obsedit,
Et expugnavit fere citiùs,
Quàm Turenus sciret,
Quò devenisset **RAYMUNDUS**

Sagax Strategus:
Magnis Hostem intervallis seponens,
Suaque agens ad Rhenum infra,

Dum

Dum
Alter otatur ad Rhenum supra,
Ingens inter utrumque,
Chaos relinquens:
Turènio Ipso Stratagema laudante,
Ceu
A prudentissimo,
Et
Solertissimo Generali profectum:
Itaque redeunte Bonnâ,
Plura deinceps redierunt bona:
Nam,
Et plura infessa à Gallis
Per viciniam loca sunt dedita,
Et
Spatia hybernandi extensa,
Et
Batavorum Urbes ab invisis Inseffloribus
Ultro emigrantibus liberatæ.
Liberator autem **RAYMUNDUS**,
Rebus ita præclarè gestis & digestis,
Viennam evocatus,
Illuc Bonnâ abiens proficiscitur,
Ingenti CÆSARIS gratiâ exceptus,
Et
Populorum plausu:
Mansitque per annum,
Rerum eminus
Consilio Moderator ad Clavum,

Cul

Cui jam non dabatur
Cominus admove manu ad Capulum,
Souchius erat & Bournonvillius,
Quæis demandabatur interim Rei summa:
Quam
Ille per Inferiorem Germaniam,
Hic in Superiore curabat:
Accuratè quidem,
Quis dubitet?
At minùs feliciter, quod constat.
Ut autem
Certiores imposterum essent Victoriæ,
Victorem **RAYMUNDUM**
Tertiâ vice in Imperium
Amandat Imperator:
Haud fallente successu,
Sasbachiam Alsatia testor:
Ubi,
Ut imponeret **RAYMUNDUS** Turenio
Bellandi finem,
Imposuit finem vitæ:
Quippe,
Stantibus Exercituum signis
In procinctu,
Ut colliderentur,
Allisus terræ Turenus,
Ferali ictus Tormenti globo,
Exhalat animam:
Dum tubo prospicit à longè,

Quem

Quem pro scopo habeat, ut cædat;
Cadit Ipse.

Eo cadente, non steterunt cæteri:

Fugiunt;

Nec tamen effugiunt

Vindicem Nemesis Ensem.

Quem **RAYMVNDVS** vibravit;

Fugientesque infecutus ad Goldschiram,

Cecidit Millenos;

Nec viles inter hos Animas:

Testantur victi.

Neque enim

Solus volebat proficisci ad Cælum

TURENIUS,

Qui

Per Imperium vagari solebat

Stipatus Agminibus.

Porro,

Ut ne elinguis quoque mortuus esse

Dici posset Turenus,

Qui Cor amiserat;

Hunc sibi Lessum cecinit.

Dum speculor mortes aliorum, propria fata

Negligo: Lynx alijs; sed mihi cæcus: abi.

Quâ autem contigisse putas hæc die Lector?

Nescis? dicam.

Prima fuit Augusti dies,

RAYMVNDO Fatalis ad Fortunam:

Quâ

R

AUGU-

AUGUSTAS pro AUGUSTO
Jam olim affueverat reportare Victorias.
Aggressus inde
Turenij Succesorem
Condæum,
Condere se coëgit post Valla,
Quæ Schletstadij
Per integrum fere milliare condiderat.
Quòd post illa securè delitescere posset;
Gavîsus:
Marte aperto
Congredi cum RAYMVNDO non ausus.
Sicque Autumnus ijt:
Post quem, quia tempus urgebat
Victori quidem,
Sed defesso Exercitui Missionem dare;
Martinalia dedit
Per Sueviam distributo:
Ut,
Refectis istic per Hyberna Corporibus,
Novas vires resumeret
In nova mox prælia suffecturas.
Ipse autem RAYMVNDUS
Denuo revocatus Viennam,
Ante,
Quàm viæ se committeret,
Ut omnia manerent serena;
SERENISSIMO
Commisit Exercitum

DUCI

DUCI LOTHARINGIÆ CAROLO,

Campi Mareſchallo tunc declarato,

Appulſus Viennam,

Ut,

Velut ex primis Intelligentijs Una,

Politici hujus Cœli motus,

Longâ experienciâ obſervatos,

Sapientiffimis ſuis Conſilijs

Temperando dirigeret,

Affiduè adſtitit Ejus terreſtri DEO.

CÆSARI LEOPOLDO,

Huic Paſſavij aderat

Tertium Sponſo;

Cùm læta tractanti

Triftis intervenit Nuntius,

Ægritudinem Conjugis referens,

Viſuro funus Viennæ,

Nî ocyus advolet.

Volat ille quantocyus,

Ut ultimum in terris Vale

Abs Amata recipiat,

Sed ferò:

Jam tum enim evolaverat in Cœlum

ANIMA SANCTA PRIUS,

Quàm

ADVOLARET RAYMUNDUS:

Relinquens mœſto triſte Spectaculum,

Cadaver Optimæ.

Altum enimvero Vulnus

Inſli-

Infixit RAYMUNDO

Funestus hic Casus:

Sed sapiens erat;

Sciebatque, ut læta, sic tristia ferre

Pari Constantiâ:

Nisi quod læta

Cum Republica soleret dividere;

Privatis parietibus tristia claudere,

Ratus,

Nullam jacturam sapienter doleri

Salvâ Republicâ:

Illâ neglectâ,

Nullum esse commodum suave.

Sed consolari Mœstum velle

Visum est Numen,

Cùm

Tantis tanti Viri Virtutibus,

Ut ne deesset ullum

Honoris fastigium;

Honorum omnium Apicem,

(PRINCIPATUS CULMEN)

Quod in Romano Imperio

(Plurium Electorum Principumque suffragijs)

Meruisset,

Hispania contulit:

Imponens ita Coronidem gratijs,

Quas

Pro tot ac tantis constanter præstitis

AUSTRIADUM AUGUSTÆ GENTI

Ser-

Servitijs
Sibi in acceptis referret
RAYMVNDVS PRINCEPS:

Qui
In hoc novo tamque alto fastigio,
Quo non erat,
Ut ascendere altiùs posset,
Non supercilium extulit, non animum:
Malens ingenitâ
Frequentique jam usu roboratâ
Morum suavitate
Devincire sibi cunctos,
Quàm fastidire gravitate exosâ.
Nullos sibi
Exercendæ Virtutis terminos ponens,
Author Parcemiæ,
Nec Arma, nec Purpuram
Nocere Virtuti,
Nec Virtutem Armis aut Purpura:
Ideoque Illam
Palam & constanter professus est,
Ne quis inhonestam putaret:
Docens exemplo,
In Armis esse facilem
Et pulchram sub Purpura.
Stabilitâ Neomagi Pace,
Ipsam examinabat Pacem, an Pax?
Ipsam Quietem, an Quies esset?
Nî constans foret;

Sciens,
 Sereño etiam Cœlo,
 Horizontis Cardines
 Prudenter circumspici,
 Si fortè adhuc
 Nubecula oberret Tempestatis Vestigium.
 Gavisus tamen de obtenta Pace,
 Visus diffidere ejus Constantiæ.
 Ut Pestem declinanti CÆSARI
 Aderet Consilio
 Consilij PRÆSES;
 Pragam secessit cum CÆSARE:
 Mansitque Pragæ liber à Peste,
 Quamvis fieret Ipsa Praga Pestifera:
Moriturus enim non erat Peste,
Qui gravem bellorum Pestem
Suppresserat toties
 Linzium comitatus est CÆSAREM.
 Fatale Linzium!
 Huc
 A Morte Conjugis
 Ante fere triennium
 Reexcitus A CÆSARE,
 In eo erat,
 Ut undis suffocaretur,
 (*Fatiscente Glacie*
Sub tanto Virtutū RAYMUNDIANARVM *pondere;*)
 Ni Deorum DEUS
 Imperâsset Ipsio Amni

Absti-

Abstinere A TANTA ANIMA:
CUI

Non Charontis tunc Cymbâ opus erat,
Sed JOVIS CURRU:

Non Plutoni tunc quidem sistenda

Sed CÆSARI,

Fatale Linzium!

Huc appellens,

Cùm Aulam intraret,

Deciduâ è Tigno trabe

Offensus

Secundùm Humeros,

Vix non credebat

Prodromam hanc Mortis esse,

Memoriam ligni ingerens,

E quo quivisset Sarcophagus fieri;

Si falcem Vitæ ejus etiam immittere

Tunc licuisset Morti.

Sed hæc potestas dilata,

Non adempta,

Exercita in RAYMUNDUM

Alio quidem est tempore;

Sed

Non alio loco;

Quippe

In hunc annum servatus,

Delatusque cum CÆSARE Linzium,

Tot Munijs Ministerijsque functus,

Tot Honoribus clarus,

Tot

Tot meritis Dives,
 Cùm
 Vix restaret Negotium dignius,
 Cui
 Vitam in futurum posset impendere;
IN ITER ÆTERNITATIS IMPENDIT:
 Septuagenarioque Major
 Cùm mortis iterum Prodromos sentiret morbos;
 Dispositis rebus terrestribus,
 Cœlestibusque munitus,
 Cum Morte ingreditur luctam,
 Ipsimet adhuc Morti formidatus in Senio:
 Neque enim ausa à fronte congredi,
HEROEM aggressa est ex insidijs,
 Quas à tergo struxit:
 Octobri Mense,
 Vindemijs destinato,
 Ut Vindemiam sibi præpararet Mors;
 Quia Vinum non bibit,
 Sanguineam fecit:
 Fatale Mustum!
 Utens quippe Satellitum suorum
 (Hemorrhoidum) operâ,
 A Tergo exfluxit **RAYMVNDI** Sanguinem:
 Senis Vitam,
 Ast
 Suge Mors immitis, fuge:
 Non fugillabis **HEROIS** FAMAM,
 Quæ

RAY-

RAYMUNDI Ruinis

Inconculsa superstat.

Subtraxisti Terræ,

Qui vivit Cœlo;

Exuvias Ejus tumultura,

Non Gloriam.

Inter Emortui cineres

Viventem Famam interroga;

Quæ Gloriæ ejus superstes

Æviternat in Orbe.

Vt Animam,

Corporis Sui

Septuaginta duobus annis

Et octo Mensibus sociam,

Redderet Conditori;

Devota inter suspiria,

Et Prolis amplexus,

Emoritur Linziji;

Decimâ sextâ Octobris Die;

In Pace in id ipsum

Dormiens & requiescens.

Vir aureus

Cui omnis ætas in ferro fuit,

Disce Viator

Moriendum est.

Nemo hic vincit,

Manus dedit RAYMUNDUS

Quantum Armatus?

Nil Virtus hic, Nil vires, Nil opes,

T

Nil

Nil genus possunt:
His omnibus abundabat **RAYMUNDUS;**

Et tamen jacet.
Lachrymis Manes riga,
Ne oblivione arescant:
Sic tibi sit tardè
Mors ultima linea vitæ.
Parentemus nos Ei Lector hoc lessu;
Quem
Epitaphij loco adscribimus;
Sed compendio:
Neque enim omnes Herois laudes
Capit angusta charta.



RAY-



RAYMUNDUS hic jacet;

Cujus Virtute stant Reges,

Majores fortitus,

Quos tales decerent Posterì;

Fulgorem Natalium

Claritate Facinorum geminavit,

Puer literas,

Adolescens arma tractavit;

Vel cùm ferre vix posset:

Nullum non laborem perpeßus,

Seu cùm militem disceret;

Seu cùm gereret Ducem,

Proprijs meritis,

Gradatim

Omnibus Militiæ honoribus Insignitus,

Et

Gradus omnes emensus

BELLICI CONSILII PRÆSES,

ET PRINCEPS FACTUS,

CÆSARIBUS REGIBUSQUE

Non semel Instrumentum Victoriæ,

Sæpe securitatis causa;

Quam

Egregiè exercuerat

SUB

SUB FERDINANDIS Militiam,
AD LEOPOLDUM usque protraxit,
Strenuam quinquaginta annorum operam,
In gravissimis Bellis,
Et Expeditionibus præstitit.
LEOPOLDIQUE Auspicijs
POLONIÆ DANIÆQUE REGIBUS,
Coronas refixit.
Pluresque irrigaturus Palmas
Bellici Sudoris Imbre;
Vistulæ eas,
Arabonis, Danubij, Moeni, Rheni,
Balthicique Maris plantavit in ripis:
Fractis eorum Cornibus
Bajulare jubens Exercituum Juga,
Thraciâ Lunâ,
Bellici litui carminibus excantatâ,
Barbarorum acinaces,
Germano Chalybe hebetavit;
Per suffocatorum aquis cadavera
Saliens in Triumphos.
Afflatos
Rebellionis turbine Subditos,
Ne excrecerent in aperta bella,
Suasit rebelles meti.
Ne subverteretur Germaniæ Cardo,
Et Romani Imperij Cataractæ,
Ne ruerent;
Ferreos pluteos objecit & Valla.

Hector

Hector in Bello,
Janus in Pace,
Inter Politicos Christianus,
Inter Aulicos Pius,
Fortunatus sine ambitione,
Sine Superbia Eruditus,
Sine Supercilio prudens:
Multorum annos,
Plurimorum Gloriam supergressus,
Nihil SIBI,
Omnia Reipublicæ tribuens,
Nec Favori decessit,
Nec Invidiæ,
Rarissimis Naturæ Dotibus,
Subtili Spiritu,
Judicio defecato,
Factis præclaris,
Cæsaribus Tribus,
Togâ Sagoque Fidus & charus,
In Bello Fortis,
In Castris Vigil,
In Tribunali propitius,
In Consilio Præses,
In Præsede Sapiens,
Omnium ad Bella pertinentium
Moderator,
Sed maximè SUI;
Honorum gradibus annos,
Menses præclarè gestis,

Dies pietate distinxit.

ILLE ILLE

Sideris instar,
Innixus Cœlo, lucet adhuc terris;
Et in animis hominum colitur.

Unius Uxoris Vir

Unius etiam Filij

(Sibi Simillimi)

Et trium Filiarum **PATER.**

Anno ætatis Septuagesimo tertio,

In Senectute bona,

Cælituum auctor,

Terrestrium Satur,

Hemorrhoidum fluvio

Linzij extinctus,

XVI. Octobris Die,

Plenus dierum,

Plenus Honorum,

CÆSARI *Fidus,*

Regnis laudatus, utilis Orbi,

Injurius Nemini,

Magno Sui relicto desiderio,

Viennam deductus,

In Societatis **JESV** templo

Quiescit in Domino.

PIE JESU DOMINE!

DONA EI REQUIEM

SEMPITERNAM.

Amen.

